

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ
ՆԱԽԱՐԱՐՈՒԹՅԱՆ ՊԵՏԱԿԱՆ ՌԵԳԻՍՏՐԻ
ԳՈՐԾԱԿԱԼՈՒԹՅԱՆ ՊԵՏ

0051 ք. Երևան, Կոմիտաս 49/3
հեռ. (+374 10) 201461

№ 3-2/0792-15
« 20 » 04 2015թ.

ՈՐՈՇՈՒՄ 015

Վարչական վարույթ հարուցելու և լսումներ իրականացնելու
մասին

20.04.2015թ.

ք.Երևան

ՀՀ արդարադատության նախարարության աշխատակազմի իրավաբանական անձանց պետական ռեգիստրի գործակալության (այսուհետ՝ գործակալություն) պետ՝ Կամո Ադամյանս, ուսումնասիրելով 2015 թվականի ապրիլի 10-ին «Կանթեղ Արագածի» հաշմանդամություն ունեցող անձանց երիտասարդական հասարակական կազմակերպության (այսուհետ՝ Կազմակերպություն) գործադիր մարմնի ղեկավարի, Կազմակերպության գրնվելու վայրի և կանոնադրության փոփոխության մասին ՀՀ արդարադատության նախարարության աշխատակազմի իրավաբանական անձանց պետական ռեգիստրի գործակալություն (այսուհետ՝ գործակալություն) մուտքագրված հայտարարու Հունան Ավագյանի դիմումը և դիմումին կից փաստաթղթերը, ինչպես նաև ՀՀ քաղաքացի՝ Արսեն Պապիկյանի 2015 թվականի ապրիլի 17-ի դիմումը՝ ուղղված ՀՀ իրավաբանական անձանց պետական ռեգիստրի գործակալության պետին՝

ՊԱՐԶԵՑԻ

Հայտարարու Հունան Ավագյանի կողմից 2015 թվականի ապրիլի 10-ին ՀՀ իրավաբանական անձանց պետական ռեգիստրի գործակալություն մուտքագրված Կազմակերպության գործադիր մարմնի ղեկավարի, Կազմակերպության գրնվելու վայրի և կանոնադրության փոփոխության պետական գրանցման համար ներկայացվել են «Իրավաբանական անձանց պետական գրանցման, իրավաբանական անձանց առանձնացված ստորաբաժանումների, հիմնարկների, անհատ ձեռնարկատերերի հաշվառման մասին» Հայաստանի Հանրապետության օրենքի (այսուհետ՝ Օրենք) 39-րդ հոդվածի 1-ին և 3-րդ մասերով նախատեսված փաստաթղթերը: 17.04.2015թ. ՀՀ քաղաքացի՝ Արսեն Պապիկյանը դիմում է ներկայացրել գործակալություն այն մասին, որ Կազմակերպության անունից ներկայացված փաստաթղթերում զերեղված փաստերը չեն համապատասխանում

իրականությանը, որ Կազմակերպության Ժողովը հրավիրված և ծանուցված չի եղել Կանոնադրությամբ և «Հասարակական կազմակերպությունների մասին» ՀՀ օրենքով սահմանված կարգով, իսկ Ժողովի արձանագրության ստորագրությունն իր կողմից կատարվել է խաբեության և կեղծիքի շնորհիվ, միաժամանակ խնդրել է կասեցնել ներկայացված փոփոխությունների պետական գրանցման գործընթացը և անցկացնել լուումներ:

Պատճառաբանություններ և եզրահանգումներ

Համաձայն Օրենքի 20-րդ հոդվածի 24-րդ մասի՝ «որևէ անձի գրավոր դիմումի առկայության դեպքում, որի համաձայն գրանցման ներկայացված փաստաթղթերում զերեղված փաստերը չեն համապատասխանում իրականությանը, գրանցումը մերժելու ակնհայտ հիմքերի բացակայության դեպքում պարտադիր իրականացվում են լուումներ կամ գրավոր ընթացակարգ»:

Տվյալ դեպքում գտնում եմ, որ լուումների միջոցով ենթակա են պարզաբանման հետևյալ փաստերը.

- արդյո՞ք պահպանվել է Կազմակերպության Ժողովի հրավիրման և ծանուցման օրենքով և Կազմակերպության կանոնադրությամբ սահմանված կարգը.
- արդյո՞ք Կազմակերպության Ժողովը իրավասու է եղել որոշումներ ընդունելու, թե՛ ոչ.
- արդյո՞ք ներկայացված փաստաթղթերում առկա են կեղծիքներ, թե ոչ:

Ելնելով վերոգրյալից և ղեկավարվելով Օրենքի 20-րդ հոդվածի 2-րդ, 5-րդ, 7-րդ, 10-րդ, 23-րդ և 24-րդ մասերով՝

ՈՐՈՇԵՑԻ

1. 17.04.2015թ. ներկայացված դիմումի հիման վրա հարուցել վարչական վարույթ:

2. Իրականացնել լուումներ՝ կապված Կազմակերպության գործադիր մարմնի ղեկավարի, Կազմակերպության գտնվելու վայրի և կանոնադրության փոփոխության պետական գրանցման հետ, պարզելու համար՝ արդյո՞ք պահպանվել է Կազմակերպության Ժողովի հրավիրման օրենքով և Կազմակերպության կանոնադրությամբ սահմանված կարգը, արդյո՞ք Ժողովն իրավասու է եղել որոշումներ կայացնել, թե ոչ, արդյո՞ք ներկայացված փաստաթղթերում առկա են կեղծիքներ, թե ոչ:

3. Վարչական վարույթի և լուումների իրականացումը հանձնարարել Հասարակական միավորումների գրանցման բաժնի գլխավոր մասնագետ Լուսինե Պողոսյանին:


4. Կազմակերպության գործադիր մարմնի ղեկավարի, Կազմակերպության գտնվելու վայրի և կանոնադրության փոփոխությամբ պայմանավորված պետական գրանցման ժամկետի ընթացքը կասեցնել 20 օրով:

5. Լուումների 1-ին (առաջին) նիստը նշանակել 2015 թվականի ապրիլի 22-ին, ք. Երևան, Կոմիտաս 49/3 հասցեում, ժամը 10.30 –ին:

6. Լուումներին, որպես 3-րդ անձ ներգրավել քաղաքացիներ Հունան Ավագյանին, Մանվել Հակոբյանին և Արսեն Պապիկյանին:

7. Որոշման մասին ծանուցել լսումների մասնակիցներին՝ փոփոխությունների պետական գրանցման համար դիմած անձ Հունան Ավագյանին, դիմումատու Արսեն Պապիկյանին և ժողովի մասնակից Մանվել Հակոբյանին:

8. Որոշումը հրապարակվում է Հայաստանի Հանրապետության հրապարակային ծանուցումների ինտերնետային կայքում:

 Կ. ԱԴԱՄՅԱՆ

Կատարող՝ Լ. Պողոսյան
(հեռ. 010-20-14-32)